




5922.

L. L. P. 74

Laying 1835



registv.

Autos: Dymite Solikants?

IDEA APOCALIPTICA
SEV APOCALIPSIS
STANISLAI ORECHOVII



IDEA APOCALIPTICA
SEU APOCALIPTIS
STANISLAI ORSOLINSKI



XVII - 4698 - I

I D E A
A P O C A L I P T I C A
S E V

Ex Bibliotheca Cantus Jovis Cracovienus
A P O C A L I P S I S
S T A N I S L A I

Ordin: Camp in Arenis B. M. V.
O R E C H O V I I,

*Ex Libris Condus Cme: Trum-Carmelit: a Fr. Sexa
pione Kocielko. In. qua nata S. M. 1682*

Facies perturbata & affli-
cta Reipublica, eiusque
restauranda ratio.

REPRÆSENTATUR.

Ex Recognitione

BLASII LIPOWSKII.

CRACOVIAE,

In Offic: Typogr: Viduae & Heredum
Franc. Cezary S. R. M. Typ. A. D. 1660.


11.761 |

I D E A
A P O C A L I P T I C A
Z E V
A P O C A L I P T I C A
S T A N I S L A I
O R E C H O V I I

Propter periculum & offi-
cium Republicae, eiusdem
restituendum ratio.

PROBENTATV.
Ex Recognitione
B L A S I I L I P O W S K I I

C R A C O V I A
In Offic. Typogr. Ludov. & Heroldum
Franc. Gessy 2. R. M. Typ. A. D. 1800.



Illustribus & Magnificis Dñis. DD.

GEORGIO BOGVSLAO,

ET

IOANNI PETRO

PAVLO,

FREDRIS,

Optimæ Indolis, & Magnæ,

(Deo fauente) spei

IUVENIBVS,

ILLVSTRISSIMI DOMINI,

D ANDRÆ MAXIMILIANI FREDRO

CASTELLANI LEOPOLIENSIS


FILII

Domini suis Gratosiss

BLASIVS LIPOVSKIUS SALVTEM.

Optimum Reipublicæ Polonæ
fatum, ac potius rector ipse
fatorum, & Parens Rerumpubli-
carum voluit Deus, ut hoc Opus

STANISLAI ORECHOVII



probi quondam rerum Polonarum
 Scriptoris, hisce diebus in manus
 Illustrissimi Parentis Vestri Domi-
 ni ANDREÆ MAXIMILIA-
 NI FREDRO, Castellani Leo-
 poliensis, Ciuis & Senatoris utraq;
 recti, incideret. Quod cum ille (ut
 similia assolet) auidius legisset, si-
 mulq; super ignobilitatem & erro-
 res, rudis cuiuspiam ante octuagin-
 ta annos Typographiæ, non certè
 tanti Scriptoris fame conuenien-
 tis ingemisset, me studiosè induxit
 (& ego pro debito parere debui) ut
 librum recognoscerem, nec paginas
 modo sed versus propè singulos erro-
 ribus inertis Typographiæ scatentes,
 pro virili meo expurgarem. Nec
 ausus planè fuisset operi tanti Scri-

ptoris

prioris admouere manum, ad cuius
 eruditionem studium meum & iu-
 dicium non caligat modò, sed pla-
 nè nullum est, nisi me tituban-
 tem in opere Illustrissimi Parentis
 Vestri, Domini mei rexisset manu-
 ductio. Quibus ergò hanc opel-
 lam meam inter Penates Vestros
 natam, nisi Vobis offerre debui?
 in qua quidquid est, plùs de vestro,
 quam de meo capietis. Capite
 igitur, & tandem dùm per annos
 maturiores licebit (utinam verò
 citò diuque liceat) legite. Vos
 inquam GEORGI BOGV-
 SLAE, & IOANNES PE-
 TRE PAULE, Illustrissimi
 Iuuenes, Magni Parentis Vestri,
 & tandem huius Reipublica ma-

gnia spes. Quibus ego hanc me-
am opellam voueo.

Addictissimus

Scrutor,

BLASIVS LIPOWSKIUS.

I D E A
A P O C A L I P T I C A

S E V

A P O C A L I P S I S
S T A N I S L A I
O R E C H O V I I.

C A P V T I.

CVM IN ÆGEO MARI NAVIGAREM IN PATMVM INSVLAM VENTO DELATVS in continen- tem excendi, & quod accidere solet ijs, qui in ignota regione versantur, primùm è longinquo prospectare & admirari omnia, deindè cum tu- ta omnia circum viderem vltèrius procedere cæpi. Iamque per ne-

A S

muscu-

musculum, ædificia quædam lignea, cincta septis ex caricibus, miræ altitudinis & operis, dubia luce apparebant; quæ ego cupidus explorandi, adire statui. Campus, quo munitione consepata erat latissimus, & alluentibus vndis lætissimus. Hic dum portam patentem aspicerem, in eius ingressu, custodes altissimo somno oppressos semiermes, alios nudos, alios corporibus vino sepultos aduertit, quos ex varietate vestitus, meos fuisse populares iudicavi. In tanto excubitorum torpore, nemine prohibente, patefactam aulam sum ingressus, cui infestos armis exercitus, ab omnibus partibus imminere videbam, quorum conspectu cor territum, ominabatur malum aliquod exitiale impendere. A Septentrionali plaga, stabat exercitus per sylvarum

uarum latibula & colles, legionibus aliquot distinctus, sed in planitiem sese non effundens, in summo vexillo ferens inscriptionem **M O S C H V S**. Ab Oriente, pharetrata quædam, longis ordinibus incondita multitudo excurrerat, cum inscriptione vexilli **TARTARI & SCYTHÆ**. A quorum vicinia, ingens multitudo frameatorum, auida prædæ & sanguinis, impetu ferebatur, cum lunata signorum intitulatione **TVRCÆ MACHOMETANI**. Inter Meridjem & Orientem, stabat exercitus bello idoneus, cuius Princeps discretionis ambigæ, nunc vultum Christiani, nunc immanis Barbari præferebat, namque stipatore Turcico erat terribilis, cum inscriptione **VALACHI**. Ab Occidente, pluribus locis discretæ copiæ stabant, an hostiles nescio, valentes tamen appa-

para-

paratu bellico, & nescio quid inter se tacito consultantes, in quorum vexillo inscriptio præminebat, GERMANI. Imminebant præterea & alij exercitus, sed nullam omnino inscriptionem habebant.

CAPVT II.

MVnitio itaque cuius porticum attigeram, nullis omnino propugnaculis, neque in porta, neque circa pargamina prouisa erat, portæ inscriptio fuit SECVRITAS. Cuius custodes, vt dixi tam grauitèr erant sopiti, vt neque ipsis incursionibus hostium expergefieri possent. In medio aulae, certis interuallis, disposita ædificia, seu potius castra fuerunt; inter quæ potiore loco, tentorium ex tela fabrica-

bricatum, cum titulo DOMVS REI-
PVBLICÆ. Hæc, contigua habuit
duo ædificia ab vtraque parte, alte-
rum à dextra, inscriptum DOMVS
DESERTA, alterum in sinistra
DOMVS VIOLATA. In foribus
domus desertæ sedebat mulier, re-
uerenti quidem admodum vultu,
oculis ardentibus, & ultra commu-
nem hominû valentiam, perspicaci-
bus; sed lachrymis & squalore sor-
didata. Altera manu tenebat cali-
cem cum hostia, altera claues. Ve-
stes erant tenuissimis filis, nec hu-
mano vt apparebat artificio confu-
tæ, sed violentis quorundam mani-
bus contextæ; in sinu repositum li-
brum habebat, in pectore dictio
legebatur RELIGIO. Ab auribus
inscriptio veniebat VERBUM DEI.
Ab ore PRÆDICATIO. Ab oculis
SPES. A pectore cordis sede, FI-

DES.



DES. A manibus OPERA CHARITATIS. In extremo margine ad pedes, EXEMPLVM VITÆ, In limine verò domus violatæ, sedebat specie & pulchritudine insignis mulier, sed languida & assuetudine malorum quasi sensu ipso calamitatis exuta. Sinistra bilancem, dextra ensem tetra rubigine obductum gerebat, subiuncta inscriptione IUSTITIA, radio libræ inscriptio fuit ÆQUALITAS. Gladio verò PŒNA MALORVM, DEFENSIO BONORVM. In eo tractu, in quo domus religionis erat posita, stabat aliud ædificium amplum columnatim ita exstructum, vt quicquid intus ageretur, à circumstante turba videri posset, cui inscriptum fuit DOMVS CONSILII. A parte Domus Iustitiæ, stabat auro intextum tentorium, supra fidem elegans, in cucurbita in-

auratum, venti indicem argenteum cum aquila deferens, cui superuolitans columba nitida, cælesti fulgore illustrans omnia, inscriptio fuit **DOMVS REGIS**. In postica parte. **DOMVS REIPUBLICÆ**. Dùm cætera perlustrassem etiam tale tentorium conspexi, in quod vnum, multorum opes collatæ videbantur, splendidum & magnificum, foris & intus auro & gemmis intertextum, inter insignia familiarum, habuit inscriptionem **DOMVS REI PRIVATÆ**. Videbatur æmula Reipublicæ. Nam eius exemplo binas contiguas ædes habuit, quibus se à lateribus communiuerat, sed harum vtrinq; duplices & diuersæ inscriptiones erant. Nam altera à fronte **DOMVS MERITORVM**, à tergo **DOMVS CVPIDITATIS**. Altera à fronte **DOMVS DIGNI-**
TATIS

TATIS, à tergo verò, DOMVS
 TYRANNIDIS. Erat sanè, qui sola
 ædificia aulæ & domorum confide-
 rabat, si quod à tergo esset, non
 animaduertisset vehementèr vt deci-
 peretur ! In domo Rei priuatæ, ha-
 beri Senatus videbatur, multis tam
 Ecclesiasticis, quàm politicis perso-
 nis refertus, nihil aliud agentibus,
 quàm vt eas opes quas hominum
 fæx inferebat, inter se cupidè distra-
 herent & partirentur, qui vidit, fa-
 cilè intellexit, quæ studia Senatus
 illius, in illa domo & inter eas
 negotiationes essent. Quibus
 vt tutius vacare possent,
 ædes ipsæ, tormen-
 torum præsijs,
 milite & fossionibus cir-
 cumuallatæ
 erant.

CAPVT III.

STabat gregatim multitudo hominum, tempus confabulationibus terens, deliberabunda, quid rerum (postquam res suas, quisque agere descisset) aut consilij capessat? cum subito è domo REI PRIVATÆ effusa intercurrit, eques fœmina, in omnes homines impunè violenta, cum omni telorum & armorum genere, sub qua excussis habenis, equus pertinax, ore & naribus ignem spirans, incòercibili cursu, in multitudinem ferebatur, & multos in terram moribundos, pedibus proculcabat. Mulieris nomen fuit LICENTIA, penes hanc ibant, SEDITIO, CONTEMPTVS MAGISTRATVVM, quæ, dùm Reipublicæ testum, ipsamque Religionem & iustitiam præterueheretur,

auda-

audactèr equo in vtramque inue-
 òta est, easque maledictis incessit;
 quod quidem facinus, illa primum
 ausa; Ferebatur hinc, innumerabi-
 lis equitum cohors; velut submo-
 uendæ turbæ causâ, amplamque
 viam suo numero faciebat, ita, vt
 eadem viâ protinùs irrumperent
 tres aliæ mulieres, multo auro mi-
 cantes, quarum germanitatem vul-
 tum & vestium, similitudo osten-
 debat. **AMBITIO, AVARITIA & LV.**
XVS. Has sequuti quatuor viri, **PER-**
IURIUM. ADULTERIVM cum varijs
 libidinibus vultus muliercularum
 indutis, tùm **HOMICIDIUM & IN-**
NOCENTIÆ OPPRESSIO. Horù duo-
 rum vestigia, cruore suffundeban-
 tur. Quos **RHAMNVSIA** (hoc enim
 illi erat nomen) sequuta, eosque
 à tergo inspectabat, quasi pœnas ab
 eis prima quoque occasione exactu-
 ra;

ra; his igitur & prioribus omnibus, manum minaciter intentans, se ab eorum consortio subduxit; & præterita licentia cum agmine suo, præteritaque domo Senatoria, liberè incedebat.

CAPVT IV.

JNterea, è rudi illo tentorio, eductusest currus vetustus, & absque temone, vel vetustate consumpto, vel violentia effracto, quem Bos & MvLA grauida trahebant, dorsis viros quosdam diuersæ conditionis (vt iudicabam) ferentes: Exigua spes erat profectiois; quisque enim in suam partem animal urgebat. Bos ita inscriptus erat OPTAT EPHIPPIA Bos, OPTAT ARARE CABALLVS. MvLA verò

VBI PEPERERO RES VESTRÆ MELIUS HABEBVNT. In medio curru fuere trina subsellia distincta, in quorum excelsiore, sedebat Virgo quædam liberali forma, sed veste obsoleta, & crines inconditè iacentes, pallida item facies, lachrymis innatantes oculi, indicium erant valetudinariam esse, inscriptionem habuit **RESPUBLICA**, item **RELIGIO** non minùs sordidata cum **IUSTITIA** sorore sua etiam ægra conscendit currum, & suo quæque subsellio resedit. Rempublicam intermediam amplexæ, quarum collis, Respublica pallantia brachia circumdedit. Tandem puellæ duæ, ponè venientes, currum manibus sustinebant cum titulis **SPES**, **PATIENTIA** vtraq; lamentabilis, aspectu miserando omnes astantes in sui commiserationem adducebat.

Sic igitur Respublica profecta di-
uersis vectorum & animalium stu-
dijs; tardius ad Senatoriam domū,
quò contendebat, peruenit. Ante
eius fores dūm constitisset, seque ob
diuturnam absentiam suam igno-
tam illis fore crederet, vereri se dice-
bat, nè si nihil adferret, ingressu
prohiberetur, & tandem sorores;
(num quod auri pondus, se penes
haberent, quod in munus honorari-
um Senatui offerret) percuncta-
tur? quæ nihil quidem se habere
referunt. Non iubent tamen eam,
abijcere animum cūm sit eorum
genitrix, illi verò filij, ostendens
(inquirunt) illis maternum sinum,
ex quo vitam hauserunt; ostendens
vbera quibus enutriti sunt, osten-
dens manus & vlnas, quibus gestati
& ad eos honorum gradus proue-
cti sunt. Quo facto nescimus, an

St. Sava non Kocetkonica SM tam

tam crudeles esse velint, quin te obuijs amplexibus recipiant, honoremque debitum matri reuerentè exhibeant, nisi ita immemores, & sui, & ipsius sint, vt seipsos odio prosequantur. Qui enim Matrem odit, seipsum odisse videtur, ægrèque ferre, quod in lucem ab ea editus sit,

C A P V T V.

HOC colloquiū perfriētæ frontis mulier, nomine INGRATITVDO, eam vt pauperem & squalidam auersata contracto supercilio interceptit. Indè illicò egressa est Virgo, aspectu vultuque toto, solis instar fulgente, in pectore scriptum habens VERITAS. Hæc conspectum in currum Reipublicæ ferens;

rens, alacritèr eam complexa, quidnam sibi velit, quòd tam mæsta, ægra, & sine vllò debito comitatu, præterquam sororum, ad Senatoriam domum venerit, rogat. Illa, ad filios inquit venio, quos ideò peperit, ideò nutriui, vt in mea quoque necessitate mihi succurrerent, vt dùm hoc adhuc vitæ reliquum est, me sibi, seque mihi incolumes seruent. At vbi illi sunt, quòd nemo exit obuius? nemo Matrem salutat? Nè mirere VERITAS ait, nemò enim intùs est, præter antiqua vestigia quorundam in puluere relicta. Quos autem post columnas sedentes vides, hi quidem de te benè sunt meriti, sed latentes de tua liberalitate petunt, te egente, etiam egeni. Ideò neque tui cura illis est credita. Sunt inter illos & alij, sed præmaturi adhuc, qui tibi auxilio nondùm

dum esse possunt. Bona me tamen spes habet, breui te illis magnoperè curæ futuram? illi verò quos sperabas, hic iam adesse, nondum venerunt, diuerterunt enim **AD DOMVM REI PRIVATÆ**, vbi totos dies consumere solent illi soli addicti, vt autem de te consulant, nè in mentem quidem eis venit. Nam quod Comititia sua celebrant, faciunt id specioso sub prætextu, vt iurares, de te agi omnia, tamen eò vergunt, vt eorum **RES PRIVATA**, hostis verò tuas salua & diuturna sit: sed & conuentus eiusmodi, iam intermisissent, nisi à thalami tui præfecta **LIBERTATE EQVESTRI** obseruarentur. Quam enim illi (dum insimul conueniunt) tuæ causæ faueant, ostendunt eorum vota & sententiæ, ex ordine dici solitæ. Quæ si parùm faciunt ad fidem, vide eorum profectiõnem,

quæ iam futura est. Huc enim tu sola derelicta, quasi peregrina & ignota venisti. RES PRIVATA verò, quæ tuo beneficio, tuo succo vivit & crevit, eorum comitatu, aurea rheda etiam nunc vbi de te sola videbitur agi, adducetur.

CAPVT VI.

Offusa lachrymis vultum Republica Veritati accessum parabat? cum ecce buccinarum sonus, pulsusque tympanorum intonuit, atque extemplo armati tres viri apparuerunt, recta ad Republicam venientes, prioris nomen fuit inscriptum AMICITIA SIMVLATA, qui equo glauci coloris vetus, collo vulpem ducebat. Secundi ODIVM INTESTINVM, hic equo veniebat Cinericio, lupum stropho,

B

vena-

venatu ducens. Tertij INIMICITIAE APERTÆ, qui vrsu cathenâ ferreâ ducens, fuluo equo vehebatur. Hi cum Rempubicam in suo curru ante fores Senatoriæ domus inuenissent, conuitijs eam incessere, quòd tenuis fortunæ mulier in tam publico loco, quâ Regi & Senatoribus esset iter habendum, constiterit. Aduolantibus igitur illis magno impetu & iniugales irruentibus, actis in diuersum iumentis, curru dissoluto aut disrupto, misera Respublica sat per se antea languida, vnâ cum fororibus ægris, miserabiliter & summa cum indignitate euertitur. Quæ dum euersis sellis collaberentur, mulier quædam nomine DIREPTIO tres illos viros secuta, reliquum quod habebat Respublica diripi, ab eaque tolli debere, ipsamque imò perpetuò fieri captiuam vociferabatur.

tur. DESPERATIO verò socia DIR-
REPTIONIS arreptum cultrum, eius
iugulo defigere cùm properaret,
SPE in eam irruente, ab incepto de-
stitit, cultrumque vagina recondit.
Concussæ, & ipsi religioni calix, &
sacra (quæ ferebat) nefariè in terrâ
prociderunt, IUSTITIÆ bilanx &
gladius confracti. Pudefactæ, ea in-
iuria Virgines, collectis suis armis,
cum miserabili comploratione at-
tollunt Rempublicam, & præeunti-
bus viæ causa ancillis, in Lecticâ,
femimortuam ad suas ædes defe-
runt, & paupere strato, deponunt.
Misera RELIGIO, denuò in vestibulo
ædis suæ resedit, subiecta capiti
manu, quasi nihil aliud nisi obitum,
& finem suum exspectaret? dein
IUSTITIA, nè quicquam subla-
to ense, medium perfractò, sedens
in limine domus suæ, visa RELI-

G R O N I S facie, lugubritèr
fleuit.

C A P V T VII.

DUm hæc cum Republica eius-
que contubernalibus agun-
tur, prodit iterum illa RHA-
MVSIA Vindex, cum patera plena
venenatis facibus, & circumstan-
tem multitudinem ex ea potat, quæ
dùm bibisset, confestim ex ea turba
egressa est mulier, nomine CVRIOSI-
TAS, & exquisito gressu, DOMVM
REIPVBLICÆ subintrauit: & collu-
stratis perturbatisq; omnibus, tan-
dem liberè, gladio IYSTITIÆ ere-
pto, nè superesset quod metueret,
ad Religionem mæstam in vestibulo
sedentem, ingressa, claves ex manu
illius extorsit, & in penetralia tem-
pli deuenit, libros omnes euoluit,
con-

conscerpfit, pedibus procontriiuit. Hanc sequuta alia mulier, nomine **DVBITATIO** post se ducens **ERROREM**. Tandem improba quædam mulier **PROPHANITAS** adueniens, tam illa quæ in vestibulo, quàm quæ in ipso templo piè admonitionis causâ erant posita, euertit & viola-uit. Nec mora, Vir quidam furiosus dictus **SACRILEGIUM** in opes Ecclesiasticas, & quidquid auri at-que argenti sacra ædes habebat, inuolauit, & sibi vendicauit. Confe-ctim scelestâ **IMPIETAS** in ipsas aras, & in ipsum Ciborium irruit, & sacra in terram abiecta, impiè conculcavit. Hæc cum nè quicquam reclamante **RELIGIONE** patrarentur, superuenit mulier portentosa, nomine **BLASPHEMIA**, in Deum omnia maledicta proferens. Signum quo Saluator vicerat, signum detestabi-

le clamitans, & multa alia quæ horret animus, in præpotentem essentiam Dei, ac inperuestigabilem eius Maiestatem, impudentèr deblaterabat. Hæc ubi facta, & iam nihil integrum, nihil intactum, nihil non violatum esset. Ingressus est homo miræ altitudinis quasi de numero Gigantum, nomine ATHEISMVS, sororumq; omnia illa facta collaudauit. Quæ ita collaudatæ, mirificè gestiebant, sibiq; placebant. Ecce verò illis templo egredientibus, spoliaq; varia, aurea & argentea, calices, patellas, candelabra, corrigiollos efferentibus, continuò ex improviso Draco triceps, allapsus est, Vnum illius caput caninum cæcum, inscriptum CÆCITAS. Alterum Rhinoceroti simile cum inscriptione BELLVM. Tertium Vulturinum cum inscriptione PESTIS.

Sub

Sub ventre FAMES erat inscripta.
Circa omnium capitum colla, lege-
batur SERVITVS. In pedibus
EVERSIO seu EXCIDIVM, &
DESOLATIO. In dorso FINIS,
seu INTERITVS. In cauda
INFAMIA SEMPITERNA.

CAPVT VIII.

A Spectu Draconis, cum tantus
stupor & trepidatio esset, vt
multi velut simulacra sta-
rent, vndique confluyente multitu-
dine nouus exercitus, à DOMO REI
PRIVATÆ apparere incepit. Primi
erant Viri canitie graues, rubras
togas induti, & superpellicea candi-
da, equis albis euntes, supra quos,
coturnix pari lentoque volatu, ro-
stro liateolum carbaceum tenuissi-
mum ferebat, cui inscriptum erat

EPISCOPI. Hos continuo secuti
 quindecim aut plures maturi senes,
 splendidi vultu, gravitateque oris
 spectati, in quorum Vexillo emi-
 nenti inscriptum fuit PALATINI.
 Quos nullo interposito spatio, ma-
 gnus numerus Virorum certis ordi-
 nibus subsequutus est, nomen co-
 rum Virorum CASTELLANI. Ecce
 autem quatuor iugales inscripti.
 POPVLARITAS, TVRBA, CONFVSIO,
 CALAMITAS, fulgidum auro &
 ebore carpentum trahebant, in
 quo sedebat mulier amicta, luxu-
 riosè adeò, vt auri & purpuræ ful-
 gore, oculos hominum hebetaret,
 nomen habuit RES PRIVATA. Ad
 huius genua sedebant duæ fæminæ,
 duplicem habentes inscriptionem,
 nam frontibus MERITA & DIGNI-
 TAS, à tergo verò illius CVPIDITAS
 huius TYRANNIS, inscripta fuerunt,
 eo fe-

eo ferè modo, quo & illarum ædes.
Carpentum REI PRIVATÆ ingens
multitudo, vtriusque status homi-
num sequebatur, & multa puero-
rum agmina, qui digitis avos, proa-
uos, & maiores suos ostentabant,
nè ab illis desererentur, sedulò ca-
uebat. Hic, cùm omnes Senatores
à multitudine admonerentur, vt
errantia illa portenta LICENTIAM
& tandem CVRIOSITATEM sub-
sequutam considerarent? & siqui-
dem certum excidium portendant,
vel potiùs ipsum sint exitium, è
medio tollerent, & è Patria nostra
abigerent; surda aure præteribant,
& veluti vanos Plebis tumultus a-
uersabantur. At cùm præteruol-
ui turba inciperet, saxum, (quod
fortè iacebat) sublato clamore
hæc verba protulit. Nos DVRI
SENTIMVS LAPIDES, QVOD VOS
B § NON

NON SENTITIS HOMINES, ALIORUM EXEMPLA NON VOS MOVENT? VESTRA MOVEBUNT. Hæc ubi verba audita sunt, tanta consternatio animos omnium inuasit, vt aliquot Senatorum rei nouitate territi, ex equis semianimes delaberentur, inuecta tandem RES PRIVATA in domum Consilij cum suis amantibus, locum potiozem occupauit, clausaque est ianua, ita vt præter Regem ipsum, nemini pateret amplius ingressus.

CAPVT IX.

Confestim eiaculatis tormentis, & ad tubas plurium vocum tympanis pulsis, ex tentorio Regis euoluebatur ingens agmen Equitum, torquibus aureis adornatum, sed amictu peregrino, in quo-

in quorum medio cinctus plurimis
stipatoribus gestantibus altas secu-
res, Vir quadragenarius augustæ
Maiestatis, pleno & amabili vultu,
nigra veste, capite auream coro-
nam, sinistra, malum aureum,
dextra verò sceptrum ferens, equo
proficiscebatur, nomē habuit REX,
quem duo senes spectati grauitate,
cum baccillis anteibant CONSILI-
VM & VOLVNTAS. Vt primum au-
tem, Magister Cameræ Reipublicæ
cuius nomen erat SENSVS RVINÆ,
Regem non procul abesse vidit, mi-
sta lachrymis lætitia, ad pedes se
illius abiicit, nec orando solū
precatus opem, sed pro debito in-
clamauit, vt miseram Rempubli-
cam heram suam à domesticis suis
non solū derelictam, verū etiam
direptam & oppressam inuisat, &
prius quàm ad hostes fama eius rei
perue-

perueniat, de ea sananda agere instituat, ipsamque operam sumat. Nam si in ea conditione deseratur, vix Deorum opibus (quum extremo malo afficiatur) resisti posse; extrinsecus ab hostilibus armis multum terroris & periculi adesse; intrinsecus autem, ita omnia feruere, tantamque in omnibus statibus, tam in Ecclesia, quam in Politia esse seditionem, vt nisi DEVS modum adhibeat, quo imminens propulsari possit exitium, omnibus humanis consilijs frustra laborari. Sentire enim se, & iam penè versari sibi ob oculos non tantum à præsentia ratione, quod adeò Respublica ægra decumbat? sed magis quod neminem videat, quem tam præsentia, quam imminencia mala ab eo lethargo excitare possint, vt velut spontè in perditionem, & extrema

trema omnia, manibus pedibusque tendere videantur, quasi occasum Patriæ cum exultatione expectantes. Vt igitur pro officio suo, pro pietate Patriæ debita, pro eo ac res omnes in ruinam inclinatæ postulant, eam curam in se Rex accipiat, & se comparet, vt tam præsentibus malis, quàm proximæ calamitati, quæ ditionibus sibi à DEO concreditis & subiectis imminet, quoad usque tandem aliqua DEVM ope tenentur, non desit auertendo; magno cum fletu postulauit, & per DEVM immortalem Regem obtestatus est. SENSVS RVINÆ oratio, grata erat Regi, libenterque & attentè eam audisse visus erat, & tandem ipsum SENSVM RVINÆ benignè propria manu erectum, inter alios Curia suæ Præfectos adsciuit. Itaque vt primum domum
Sena-

Senatoriam accessit Rex, ab omnibus cum ingenti gratulatione & lætitia exceptus, atque anteeunte **SENSU RVINÆ**, cum **CONSI-
LIO & VOLVNTATE** introdu-
ctus, suo tribunali confedit. Tri-
bunalis verò inscriptio, supra caput
Regium fuit talis. **REX QUI IV-
DICAT IN VERITATE PAU-
PERES, THRONVS EIVS IN
ÆTERNVM FIRMABITVR.**

CAPVT X.

FActo igitur confessu, **CONSI-
LIUM** gubernator Regius,
indicto omnibus silentio, me-
mor eorum quæ paulò antè, à **SEN-
SU RVINÆ**, dicta & petita sunt,
his verbis sapientissimum Regem
affatur. Iubens eum primùm esse
memorem, in quanta tranquillitate
qua

qua rerum gestarum laude traditam à sacratissimæ memoriæ Parente suo, Regni curam accepit? deinde quam spem Regis optimi, sua optima, & vero Rege digna indoles, fecerit, quem non forte aliqua, sed tamen diuinitus omnes subiectæ Prouinciæ, sibi oblatum gratularentur, tantis ingenij dotibus, tantâ sapientiâ præditum, vt omnibus ante se Regibus hanc palmam eripuerit, & sicut alij gubernandi, sic ille benè administrandi Regni perfectam rationem habiturus videretur. Rerum quid fiat? nescire se ait, quod sub eius sanctissimo Dominatu, non omnia pro voto habeamus, sed plurima tam in Ecclesia, quàm Republica: contra fas & omne decorum fieri, indeque nos iam etiam manifestis pænis affici videamur, semperque meliorem rerum

rum

rum conditionem exspectantes, in
deteriora graui oraque labi quoti-
die videamur. Cuius sibi non vi-
deri aliam causam, nisi nostra com-
munia scelera; Iustè enim D E V S
nostras spes in diuturnam exspe-
ctationem differt, vt nostram con-
uersionem, vitæque emendationem
videat. Iustus est, nihilque erat
moraturus, si nos in corrigendo
nullam moram fecissemus. Quod
si diutiùs à nobis exspectat, quod
illi debemus? quare molestum sit?
nos ab eo diutiùs exspectare, quod
nobis non debet. Non itaque vi-
dere sibi mirum, quod non omnia
ex animi sententia habeamus, sed
mirum potiùs, adhuc tam prosperè
nobiscum agi, in tanta licentia, &
omnium à Republica studijs auer-
sis, in tanta impunitate, vt quoquò
te vertas, nihil nisi cædes, direptio-
nes,

nes, oppressiones, sacrilegia, homicidia, stupra, libidines, periuria videas, vt incredibile sit, mundum vel saltem hoc Regnum diutiùs stare posse, in tot & tantis flagitijs. Quare si & rerum necessitati subuenire, & hominum expectationi satisfacere cupiat, hoc se petere & consulere. Primum, vt & se Regem esse meminerit, deinde qualis Regni Regem, in quo sit quàm simillimus nauclero, qui ad nauis gubernaculum positus clauum teneat, eum ita gerendo, nè vbi aut in Syrtibus, aut in saxa latentia impingat, vt intelligat, sibi, non sui causâ Regnum esse datum, sed se Regni, imò se Regni custodem esse, non Regnum sui. Inde leges Regni non tantùm vt cognititas habeat, verùm etiam omnes in executionem ducat? quarum vnicus sit ordo

IVS & IUSTITIA, quæ nihil aliud sunt, quàm vniciquæ quod suum est reddere? in quo principem locum habent ea; quæ DEO tribuenda sunt. Secundum, diuina ea ponantur, quæ subditorum, salutem, libertatem & tranquillitatem tuentur. Hoc est autem, vt siquidem nec domi, nec ab hostibus sumus tuti, ob idque & salus nostra tenui pendet filo, & libertas, iam dudum periclitatur. Et quemadmodum vnum est IVS, ita sub æquali pæna & legum conditione viuant, tam potentes, quàm inferiores, ac præsertim quos ab æqualitate, summa etiam ministeria non exemerunt. Videri alias sibi libertatem vanum aliquod nomen rei non existentis esse, solereque eam raptari passim, esseque verissimum, quod Anacharis Scytha solitus est dice-

dicere. LEGES SIMILES ESSE
ARANEARVM TELIS. Nam
quemadmodum illæ, sic hæ, ex ca-
ptis debiles, & imbecilles detinent,
à locupletibus verò & potentibus
rumpuntur. Si itaque illum car-
dinem tenere volet, ista quoque sin-
gula tenenda omninò esse.

1. Adhibendam esse legum
austeritatem, pænasque contra
grassantem licentiam extendendas
oportere.

2. Oppressos & calamitosos
homines protegi, illisque sine qua-
uis procrastinatione Ius & ÆQVVM
feri.

3. Nihil per gratiam cuiquam
indulgendum, nihil per vim cui-
quam inferendum, sed in omnibus
boni æquiquè rationem habendam,
in quo solo fortitudo imperiorum
consistit.

4. Ita

4. Ita Regnum, Rempubli-
cam procurari debere, nè dum
partem aliquam Rex tuetur, reli-
quas deserat.

5. Æquali semper in omnibus
animo esse.

6. Subditos, præsertim Officia-
les, in officio retinere.

7. Senatores, verè Senatorio
in Rempublicâ animo constituere.

8. Bonis semper, & vt pluri-
mum doctis viris stipari.

9. Adulatorum sermones, vt
coruos rapaces auersari, vt enim
hi effodiunt oculos, sic illi animi
hebetant cogitatus, & sunt veræ
pestes boni publici, in eorumq;
locum, qui salutaribus consilijs
animum instruant, & quorum
virtus per gradus varios, tum do-
mi, tum militiæ probata sit, qui-
que pro Republica dum opus
esset,

esset, corpora sua opponant, cõá-
ptare.

10. Conspiraciones & omnia
suspecta ac seditiosa conuenticu-
la, præter institutum Regis facta,
punire & prohibere.

11. Seditiosos turbatores tran-
quillitatis publicæ, rerumque no-
uatores, ad Reipublicæ governa-
cula non admittere; tales enim
causâ perditionis sunt.

12. Rebelles Iurisdictioni vtri-
usque gladij, cõercere, ac in disci-
plinam & ordinem redigere.

13. Regni ærarium in solam
defensionem Regniq̃ munimen
conuertere, luxum ex omnibus
statibus extirpare, leuia serica &
purpuras interdicerè, eosque sum-
ptus, qui quotannis Prouinciam
depauperant, in arma, panoplias,
& belli apparatus cõuertipræcipere.

14. Cupiditates suas & seipsum vincere, vt enim hæc illustrior est victoria, ita magis Principem commendat, quàm si de plurimis hostibus triumphet.

15. Postremò, in se omnia velle conspici, quæ Christiano Principi inesse debent? vt quod alios omnes facere cupiat, ipse prior in se exemplum ostendat. Qui enim rectè ducit, vt alij rectè sequantur, facit. Hanc prope viam vnicam Regni animam fore, & faciliùs de aduertendis hostibus, qui in direptionem huius Prouinciæ arma & animos intenderunt, agi posse. Præterea quod in libero Regno primum & præcipuum est, curari oportere, vt (quemadmodum in rebus humanis nihil est stabile) si Principem decedere contingat, sine longa disceptatione sciri

sciri possit, penes quem sit summa rerum. Nè dum plebe currente in diuersa studia ambigatur, quò inclinanda voluntas sit, ex hostibus aliquis erumpat, & turbet omnia subito aduentu. Quod si tum omnes simul in res indeliberatas & improuisas incidant (quod omen Deus auertat) quid aliud præstari possit, quàm noster interitus & euersio, quod nè eueniat, magnoperè enitendum esse. Hanc Consilij Orationem Rex benignè audiuit, cui & VOLUNTAS Regius Vicegubernator, cum annuisset, apparuit homo Eques; vasto corpore absque capite, cum hac inscriptione ABS-
CONDITVM DEI IVDI-
CIVM, quo viso Rex, non parùm extimuit.

CAPVT XI.

TANDEM VOLUNTAS Vice-
 gubernator Regius ad Sena-
 tores pro Rege, talem ora-
 tionem habuit; iubens eos pri-
 mum apud se perpendere, quam-
 obrem eos honores adepti sint,
 vndè & ipsi & eorum posteri,
 tum dignitate, tum opibus inter
 homines excellant, his fortunæ
 bonis, non solum non insole-
 scendum, sed nè fidendum qui-
 dem esse, vt (quæ fortunæ ar-
 bitrio stentque cadantque) scirent,
 non minus periculosum esse, in
 prospera fortuna altum sapere,
 quam in lubrica via cursu certare.
 Hanc enim esse fortunæ Naturam,
 vt vicissitudine delectetur, & perpe-
 tuò deijciendis summis ad infima,
 & infi-

& infimis ad summa euehendis labore. Propterea illis esse cauendum, nè si eius bonitate abutantur, & se in animos atque fastum oblitis sortis ex qua emerferunt, erigant, grauiore casu illius voluntate corruant. Deinde cum omnia fluxa & caduca sint, suam omnem gloriam in præclarè gestis & meritis erga Rempublicam sitam existiment, horum æternam memoriam permanere, hæc firma imperia, has veras opes, in quas, nec casus, nec fortuna, nec tempora quicquam iuris habeant. Quapropter vt sui officij & loci, quisque memor esse velit, & quàm optimè Patriæ consulat, & Regi salutaria consilia suppeditet; velintque sibi ante oculos proponere, quæ sit rerum facies, qui status, in eorum patria, quàm omnia quoquo te verteris, quasi

here videantur, omnia horrere & squallere, causasque ipsi apud se requirant, quid fiat, quod ipsa penè Machina Regni Patriæ eorum perniciem & ruinam loquatur, quam nullo de fonte alio ea mala prodierunt, nisi ex auersione eorum à Republica ad propriorum emolumentorum rationem, ex desertione propriæ vocationis. Atque hæc duo eò rem adduxisse, vt licentiæ fenestram aperuerint, quæ nullis iustitiæ pænis còercita, omnium domos, tam horrendis seditionibus & dissidijs repleuerit, vt in Regno non Christianis legibus imbuto, viuere videamur. In his eiusmodi malis, & alijs grauioribus futuræ calamitatis indicijs (si in se descendant) ipsosmet dubitaturos, an suis honoribus digni sint, si ea officia; quorum gratiâ tantos gradus adepti,

Stanislai Orecbouij. *Si*

pti, negligent; si nihil præter R B M
P R I V A T A M sibi curæ assumant,
publica verò à quibus priuata de-
pendent, quasi nihil ad eos perti-
neant, si pro custodibus proditores,
pro defensoribus oppressores, pro
Patribus, hostes se Patriæ exhi-
beant. Si rapinis, contentionibus,
odijs priuatis, miseram Patriam
dilacerent, si Religionem Christia-
nam antiquam & Orthodoxam
nouis commentis aut violent, aut
planè deserant. Si nullis damnis
publicis commoueantur. Si præ-
ter gentium omnia iura, & Regni
leges proprias bona Reipublicæ,
priuata cupiditate ad se transferant,
templa non sine grandi sacrilegio
euertant, tum dispolient, alij verò
ad ea facinora obmutescant, imò
conniueant. Si placari diuinam
iram, auertiq̃ue calamitates publi-

cas posse (in tanto furore demolientium templa, euertentium altaria, blasphemantium Diuinum Numen in tanta ambitione; & nefandis absque numero flagitijs) negligant, in quibus omnibus nisi illi ipsi manus circumferant immunes, & criminibus eiusmodi obstant, nequaquam fidos Reipublicæ Senatores dici posse. Si verò culpam in aliquem alium vertant, quòd in tam trepidis rebus & tanto discrimine Reipublicæ sedeant domi desides, mulierum ritu inter se altercantes, Regemque tantum inspiciant quo spectet, quo animum & curam intendat, ita procul dubio, culpam in se rursus esse recepturos. Principi siquidem tantis virtutibus exornato, non tantum ad laudabiliter gerendum Regis officium, nihil deesse, verum etiam

etiam eum animum, eam voluntatem adesse, ut primo quoque tempore Reipublicam ab ea conditione vindicet, quæ nunc est, ut omne bonum diuinet animus. Cum autem non ignoret CHARITATEM mutuam, vitam esse Reipublicæ, quæri solet, quid fiat? quod in sua Republica adeò discordem Senatum habeat, nihilque dubius respondit. Ordinum discordiam, venenum esse Reipublicæ, quam ut reprimere ac extinguere possit, nulli labori, nulli difficultati suæ pepercisse, sed clementiam & verè Regiam placabilitatem (quæ alias in hoc tam libero Regno Principibus semper laudi ducebatur) absque profectu fuisse, usque adeò omnem licentiam in cursu esse, ut merito seuerioribus legum remedijs uti oporteat, alioquin esse ve-

rendum (quum trepido & misero statu versemur) nè domestica mala nos obruant. Orare itaque illos, & pro debito petere, vt ad concordiam inclinent animos, & similtates omnes deponant. Vt meminerint. DISCORDIA CIVILI EXTOLLI HOSTILES ANIMOS, FRANGI AVTEM & TERRERI CONCORDIA, vt videant nè antiquam & Orthodoxam in Iesum Christum fidem, aut nouis cultibus profanent, aut pro suo quisque palato & libidine fingant, sed eam in qua nati renati que sunt, sanctè & religiosissimè amplectantur, atque ad extremum capulum tueantur, alienam messem sua falce vitent, demùm intra metas officij sui, tam seculares quàm Ecclesiastici se contineant, in Deum impios, vt vitent,

seque

seque ab eorum comercijs segregent; nihil per ambitionem, nihil temerè agant, sed leges Patrias in omnibus sequantur. Ad summum, ut omnia sua studia in solam boni publici utilitatem (cuius causâ tam insigni Magistratu funguntur) conferant, si cum dignitate & fide patriæ debita, de eo loco quem adepti sunt cæteris Reipublicæ filijs conspicui esse velint. Ad hunc ille modum cum perorasset, multorum ex Senatu assensu carebat, visum enim erat, auribus eorum, acerbam hanc orationem fuisse.

C A P V T XII.

EX templo fæmina quædam nomine RHETORICA in medium ingressa est ex improviso, ad satietatem, nè dicam

ad nauseam, audientes oratione sua morata est, veriùs quàm mouit, vt de redigendis in meliorem statum rebus agerent: Quæ vbi perorauit, veluti morbo aliquo correpti, ex ordine quisque suas sententias dicere cæperunt, tam longas & tam diuersas & dissentientes, vt in multos dies articulos extraherent, & nemò esset inter eos inuentus, qui dixisset, quod alter approbaret, Quot capita, tot sententiæ, tot consilia, tot voluntates erant. Nam & illi qui corrupto alias iudicio manifestè loquuti erant, meliori voto cedere recusabant, nè inscitiam suam arguerent, victricem potius temeritatem salutaribus aliorum sententijs opponentes, & illi qui rectè loqui videbantur, moderationem nullam sermoni suo adhibebant,

stiuosa præsumptione sed modestia; non temeritate (quæ præterquam quod stulta, etiam infelix est) sed facilitate Vos amoliri oportet. Ut igitur non odiolæ modò sed etiam damnosæ loquacitati finem imponerent, & earum facto non dicto curatores essent, memores potius malorum in quibus versantur, castigatione verborum adhibita, omnes adhortata est.

C A P U T XIII.

STabat adhuc Æquitas concionabunda, cum ingressus ex turba hominum Vir dictus **TIMOR DEI**. Primum ad Regem, deinde ad Senatum, faciem terribilem ita obuertit, ut & vniuersi trepidarent, & **RES PRIVATA** quæ hominem fortassè prius non

us non nouerat; penè emoreretur,
& simul aduertit Senatoribus ple-
risque indignantèr suum aduentum
ferri, existimantibus à Rege intro-
ductū esse, sic igitur pro Rege & pro
se respondit Indigna, (inquiring)
Optimates in Regem hæc vestra
indignatio est, quòd huc introirem.
Nam vt illius arbitrio huc non
veni, ita neque abibo. Nam sine
me omnes hi vestri conatus, vani
sunt, & irriti, eruntque, si me à
vobis excluderitis, quod penè om-
nes cupere videmini. RES PRI-
VATA enim, quæ meo aduentu
terrata exanimari cæpit, vos sui
amore adeò mancipauit & obcæ-
cauit, nè id quod rectum & ho-
nestum est cerneretis, imò vt frau-
des illius pro veris bonis semper
amplexi essetis. Verùm si quid vo-
bis sanæ mentis est, facilè intelli-
getis,

getis, neminem vnquam ab illa
 ita fidelitèr adiutum esse, vt ea
 sola patrocinate tutus esse potu-
 erit. Vertite itaque Senatores ocu-
 los & studia vestra alio, videbitis
 REM PRIVATAM vestram, per-
 niciem esse Reipublicæ, vestram
 aspiciate benefactricem Rempubli-
 cam, cuius opera isti vobis hono-
 res obtigerunt. Alijs quidem in
 Ecclesia, ad populum vera Dei re-
 ligione instituendum, alijs in Po-
 litia seculari exequendæ Iustitiæ,
 & publicæ tranquillitatis procu-
 randæ causa. Cur non illam po-
 tiùs ijs honoribus, quibus insidia-
 tricem vestram afficitis, quæ vos
 tot maximis beneficijs locupleta-
 tos ex hominum fece erexit, &
 in hac luce atque specula colloca-
 uit; sed video prostrata iacet, clamat
 vim, nec adest qui manum porrigat;
 qui

qui ab occasu eam vindicet, omnes REI PRIVATÆ, & vobis ipsis colendis & alendis tantum, dediti. Omnes vos Deum (in desideria cordis vestri nefariè ruentes) dereliquistis. Quid ? non iuste ille vos vicissim derelinquet ? & in exemplum vniuerso Orbi, fœdæ vastationi relinquet. Et nisi iam erga me vestros animos mutaueritis ? Ecce hæc dicit Dominus, domus vestræ desertæ desolabuntur, sicut in vastitate hostili, iniqui sunt cætus vestri, quos odiuit anima mea. Propterea cum extenderitis manus vestras, auertam oculos meos à vobis, & cum multiplicaueritis orationem, non exaudiam. Manus enim vestræ sanguine plenæ sunt. Quomodò, facta est meretrix terra fidelis ? plena IVDICII, IUSTITIA habitauit in

uit in ea, nunc autem homicidæ, Principes infideles, socij furum, diligentes munera; sequentes retributionem, qui populo non iudicant, ad quos causa viduæ non ingreditur. Propterea dicit Dominus, quia ad iracundiam prouocastis me, gladius deuorabit vos. Orationem **TIMORIS DEI** luctus & comploratio omnium (quotquot aderant, à Rege inceptum) exceperat. Tandem in medio & graui Senatorum luctu, consurgit **SENSVS RVINÆ**, & tam Regem quàm cæteros omnes, absterfis lachrymis ad sumendos meliores animos adhortatur, ita benignum clementem & multæ miserationis, diuturnæque expectationis esse Deum, vt facilè (inquit) mutet sententiam, si vos proposito meliore, nequitiam vitæ commute-

mutetis. Quod dùm fiet, admo-
uendas esse manus labenti Rei-
publicæ & sananda illius, tam ex-
terna quàm interna vulnera. Ra-
tionem curandi perfacilem esse,
modò totò & sincero animo ad
Rempublicam accedatis. Quibus
exauditis R E X cum Senatu as-
furgit, & alacritèr ad domum
Reipublicæ procedit.

C A P U T X I V.

DVcentibus Regem Senatori-
bus, tres eleganti forma vir-
gines, obuiam venerunt ve-
stibus intexta nomina ferentes;
Prima P R V D E N T I A cum gran-
di speculo. Secunda T E M P E -
R A N T I A cum Cyatho vini in-
tacto. Hæ Regem & Senatum,
quanto potuerunt verborum ho-
nore

nore salutatum, in eam propè
sententiam alloquuntur sunt. Sol-
licitis vobis, de meliore statu re-
rum, operæ pretium facturæ vi-
debamur, si præsto in partem ali-
quam sollicitudinis vobis adesse-
mus. Sciebamus enim, nihil agi
prosperi in eo consilio, à quo esse-
mus absentes. Quamobrem cum
de Republica in suam formam resti-
tuenda negotium sit, post eius
nefandam direptionem, tot cala-
mitates vos obruunt, adeo ut ex-
tremum exitium, non intellectu
iam solo, sed oculis & manibus
ipsis percipiatur, quam eadem viâ
recuperetis, quâ in eam sortem
deuenerunt res. Inprimis igitur
enitendum vobis, ut omnem cupi-
ditatem à RE PRIVATA ad
Rempublicam (quod quidem
omnium primum & difficillimum
est)

est) conuertatis, eam fidem Reipublicæ seruetis, eos honores statuatis, quos **REI PRIVATÆ** tanto tempore habuistis, vt iam deinceps tam in Comitijs, quàm cæteris actionibus, atquè adeò vbiq̃ue, Respublica priore loco habeatur. **RES PRIVATA** verò vt ab ea tota pendeat, atquè illius magnificentia viuat, agnoscatque Rempublicam non secus atque famula Dominam, illius causâ, quidquid agit, agat, temporis quod reliquum est, id demùm ad proprias sibi concessum operas, existimet. Deinde ea, quam vobis adijcimus **RESIPISCENTIA** (stabat tùm ab illarum tergo Virgo, pænitenti similis) recipienda est. Quicquid enim à vobis hactenus licenter & nequitèr admissum est, illa diluet, numenque iratum

iratum placabilius reddet: Quod si fuerit factum, non difficulter poterit venire in manus, quod in tanto desiderio est, suo loco futura sunt omnia; Respublica planè conualeſcet, quæ in hoc Christiano Regno RELIGIONE & IUSTITIA nititur. Verum quia non benè ſeritur vtile frumentum, vndè non fuerint eiectiones ſentes & ſegnīs carduus, vt etiam vobis ſuccedere meliora poſſint, vt in eo veſtro curſu omnia impedimenta recedant, agendum vobis erit, malam & effrenem licentiam omnibus rationibus vt euellatis, & commiſſo (veluti collatis ſignis) certamine, victrices virtutes in ſua loca vt reſtituatis. Conuerterunt in ſe omnium ora virgines, non eratque dubium, omnes deſiderio videndæ ſanæ Reipublicæ teneri;
nihil

nihilque iam in maiore expecta-
tione fuisse videbatur, quam mo-
dum reperiri, quo eadem (de qui-
bus toties dictum est) mala
de medio tollerentur. Sed in de-
liberatione eius rei aliquantisper
adhuc versabantur, donec vir qui-
dam Medicus (eius nomen CHA-
RITAS) cum administro suo
CONSTANTE Regis iussu,
quoddam antidotum, aureæ pixi-
di inclusum Reipublicæ adferret;
qui de industria, ante ostium illi-
us domus substitit, ut qui circum-
stabant, inscriptionem pixidi im-
positam, legere facilius possent.
Quæ talis fuit.

O Felix hominum genus.

Si vestros animos amor.

Quò cælum regitur, regat.

Hoc erat & intus, quod exte-
rius pharmacum, cum quo
ad Rem-

ad Rempublicam ingressus erat.

C A P U T XV.

DUm suspensis animis multitududo staret, cupida audiendi, quid de Reipublicæ valetudine, medici referrent; processit è cubili Reipublicæ adulta Virgo, adeò nobili & eximia forma, vt (quocunque incedebat) conuerteret in se omnium oculos, quæ toto illo tempore, quo licentia in eas partes peruaserat, illius se nomine venditans, nusquam apparebat. Nomen illius Græco & Latino idiomate inscriptum erat **E L E V T E R I A** & **L I B E R T A S**, ob id fortassè quòd apud eas gentes, atquè adeò in omni rectè constituta Republica, semper in maximo pretio fuerit.

rit. Hæc Regem confidenter accedens, accuratiore eum & liberaliore, quàm aliæ sermone, allocuta est. Respublica (inquiens) Domina mea voluit me tibi Regi optimo, nonnihil de sua valetudine referre; valere se, illa meliusculè ait, iamque ad se rediisse, vbi hoc antidotum, quòd illi miseris, delibavit. Agitque tibi gratias quòd tam efficaci remedio, eius debilitatem attigeris. Quod si illi ex animo faues, & diuturnam illius valetudinem esse vis, petit eam Campanam, quæ ante limen ædium **I V S T R I T I** æ pendet, te iubere pulsari, hoc enim solùm ad perfectam sanitatem suam desiderare videtur. Reflexit Rex oculos, viditque non vanam eius postulationem esse, vbi Campanæ inscriptionem consideraret,

LEGES; & pistillum in terra iacens, quòd à multis annis abreptum in puluere, densa rubigine consumebatur, hanc inscriptionem in se retinens EXEQVVTIO, illigato itaque pistillo, campanæ pullum fieri mandat, vt votis Reipublicæ satisfaceret. Quem pulsum magna pars Senatorum confusa, atque incerta animi indignanter ferebat. Sed vbi à libertate observari suos vultus animaduertunt, consternationem animi, quâdam lætitiâ dissimularunt.

CAPVT XVI.

CONFESTIM turma quædam aduentare cæpit, duce SANAMENTE, Viro vt iudicare poteram prudenti, & priusquam locum pugnæ tenuisset, instructa acie

aciè veniebat, missoque feciali,
hostes latè vagabundos, à prædis
ad pugnam (vt ea illustrior esset)
legit, ac euocat, præferre illi pri-
mum animos, dein magis irâ quam
consilio arma cepère. Quàmuis
enim numero superiores essent ho-
stes, tamen cùm eum Imperato-
rem aduersus vidissent, quem ni-
hil temerè acturum confidebant,
iam animo conciderant, præser-
tim quod apud se nullum Ducem
agnoscebant. Sed vt nemò cui-
quam obtemperare didicerat, mo-
re barbarico, omnes Duces esse
volebant. Hostium hi fuerunt.
LICENTIA eques, tandem tres
Equites AMBITIO, AVARITIA
& LUXVS, dein PER-
IVRIUM, ADULTERIVM &
LIBIDINES, HOMICIDIUM
& INNOCENTIÆ OPPRESSIO,
pedi-

pedites. Postea tres Equites, AMICITIA SIMVLATA, ODI-
 VM INTESTINVM & INIMI-
 CITIÆ APERTÆ. Postremò
 CVRIOSITAS, DVBITATIO,
 ERROR, HÆRESIS, PROFANITAS,
 IMPIETAS, BLASPHEMIA,
 & ATHEISMVS. Ex nostris
 partibus fuerunt, DISCIPLINA,
 IUSTA POSSESSIO, FRUGA-
 LITAS, VSVS BONVS DIVI-
 NI NOMINIS, CONTINEN-
 TIA, CONCORDIA, DEFEN-
 SA INNOCENTIÆ. Item VO-
 CATIO, CERTITVDO, SCI-
 ENTIA, DOCTRINA ORTHO-
 DOXA, SANCTIMONIA, PIER-
 TAS, BENEDICENTIA &
 THEOSEBIA; aduentus præler-
 tim CHARITATIS, ita fregit
 hostium animos, vt pallore confelsi
 timorem, pro victis semet haberent,
 præfer-

præsertim cum exsultantis **C H A-
R I T A T I S** vocem audirent,
hanc, **V B I C H A R I T A T I S
I G N I S I N C E N D I T, S E-
C T I O N V L L A E S S E P O-
T E S T: N I H I L A D V E R-
S I A C C I D E R E P O T E S T,
S I C V T I G N I S S E C T I O-
N E M N O N A D M I T T I T,
V I N C I T E M E P R A E S E N-
T E & I V V A N T E.** Interea
tubæ cecinerunt, & in omnes fe-
licis belli exitus intercursitant Du-
ces, hæc illâc. **L E V I T A-
T E M** Equitem: Eques **C O N-
S T A N T I A** omnium pri-
mum hasta adortam, equo de-
turbavit & interemit. Concla-
matum simul est, & acies in
aciem immissa. **O p p o s i t a L I-
C E N T I A E D I S C I P L I-
N A, A M B I T I O N I M O-
D** **D E S T I-**

DESTITIA, AVARITIAE
 IUSTA POSSESSIO,
 LVXVI FRUGALIT-
 TAS, PERIVRIO V-
 SVS BONVS DIVINE
 NOMINIS, ADVLTE-
 RIO & LIBIDINIBVS
 CONTINENTIA, HO-
 MICIDIO CONCOR-
 DIA, OPPRESSIONI
 INNOCENTIAE, DEFEN-
 SA EIVSDEM, IN AMI-
 CITIAM SIMVLATAM,
 ODIVM INTESTINVM,
 & in INIMICITIAS
 APERTAS, SOLA SE
 CONIECIT CHARITAS,
 CVRIOSITATI VOCA-
 TIO, DVBITATIONI
 CERTITVDO, ERRORI
 SCIENTIA, HÆRESI
 DOCTRINA ORTHO-
 DOXA,

DOXA, PROPHANITATI SANCTIMONIA, SACRILEGIO REVERENTIA, IMPIETATI PIETAS, BLASPHEMIÆ BENEDICENTIA sese opposuit. ATHEISMVM verò Gigantem qui læuum cornu tenebat, THEOSEBIA Virgo, ausa Viro concurrere, animosè fudit & interemit. Non dubia Victoria sequuta est inter hostes, fugæ locus non erat, omnia ferè cædes obtinuit. Spolia lecta, ad domum IUSTITIÆ delata sunt, vt indè quæ quisque sua agnosceret, repetere posset. LICENTIA itaque, cum excussa multitudine sola superesset & fugâ se defendisset, è Christiano illo Regno, ad Barbaros profuga, irreuocabili se exilio mulctauit. Nam in com-

muni lætitia & gratulatione omnium, nubecula collecta, ab Oriente cælum subito intonuit: & sola malorum superstes hydra, quæ cæcitatem, bellum, pestem, famem, seruitutem, euersionem seu excidium, desolationem, finem & interitum, atque infamiam sempiternam inscriptionibus suis prætendebant, iacto fulmine deflagrauit. Nè autem in locum hydræ, extremi mali, desideraretur aliquod bonum, quod res vera antithesi imperfectè in veræ prosperitatis statum adductas ostenderet, deuolauit de cælo adolescens, nitore Angelico, nexus talaria pennis; forma augustiore humana, cum inscriptione *POLYDORVS*, nihilque fatus, subridens modicè, seipsum spectandum & amandum præbuit, quid sibi vellet, inscriptiones

nes abundè loquebantur. Oculi
ferebant ILLUMINATIONEM,
Pedes STABILITATEM,
in Sinu CONSERVATIO
erat, in Ore PAX, in Collo
AVREA LIBERTATIS
CONDITIO. In præcordijs
SALVBRTAS. In Ventre
VBERITAS. In lumbis IN-
TEGRITAS, In corde DIV-
TVRNITAS. Quem Iuue-
nem vbi vidisset RHAMNVSIA
Vindex, remque omnem, iam
ita esse confectam, vt nihil, quod
ampliùs puniat superesse possit, ad
Superos auolauit, terrasque reliquit.

CAPVT XVII.

Postquam ea, hoc quo dixi
Ordine peracta sunt, in con-
spectu Regis & Senatorum,

ingressa est fœmina, vltra modum
 audax sed ingenua, nomine R E-
 P E T I T I O B O N O R V M
 R E I P V B L I C Æ. Vacuum
 hæc, latumque saccum manu fe-
 rebat, cum quo ita singulos obibat,
 præsertim quos non sine fructu
 adiri posse putabat, vt vacua non
 recederet, L I B E R T A S illi
 semper in ore, N E C E S S I T A S,
 R E I P V B L I C Æ D E F E N S I O,
 Cætera non memini quæ fuerunt.
 Huius aspectum multi quidem
 refugiebant, ob molestam hanc
 & insolitam exactionem, tandem
 post multas dictiones, victi blan-
 ditijs illius (vt sexus hic amabi-
 lis est, & persuasionibus potens
 oratio, in eam formam incurre-
 runt) collatum est ad necessita-
 tem. Nondum elato saccis recon-
 dito auro aduenit fœmina, benigni-
 ore

ore quàm R E P E T I T I O vul-
tu, nomine M O D E R A T I O,
quam duæ comitabantur ancillæ,
non iam illæ binomiæ, aliud fron-
te præferentes, aliud tergo oc-
cultantes, sed singulis tantum,
singulæ consignatæ nominibus M E-
R I T A & D I G N I T A S. His
demonstrantibus & ducentibus
M O D E R A T I O, vnumquem-
que pro cuiusque merito & con-
ditione ditabat. Tanta rursum or-
ta est lætitia omnium, vt obli-
planè R E P E T I T I O N I S
illius viderentur. Quæ vbi peregit
munus suum R E P E T I T I O
accerfuit duas puellas, nomine
P O T E N T I A M & D E F E N S I O-
N E M, aurumque opulenter con-
gestum, earum fidei ad seruan-
dum & dispensandum commisit.
Quod illæ protinus acceptum ac

cathenis inclusum, magnâ diligentiâ recondiderunt? Exhibito-
 que Regi & Senatoribus honore
 suo Ordine vt ingressæ erant, fo-
 ras exiuerunt.

C A P V T X V I I I .

HÆc vbi sunt facta, Respubli-
 ca ita conualuit, vt nullâ
 amplius medicinâ indigere vi-
 deretur. Ipsa quoque RELIGIO
 claves in manus accepit, antea
 sibi nefariè abreptas. Similitèr
 & I V S T I T I A, bilancem in-
 tegram, saluumque & expeditum
 enssem assumpsit, suoque loco quæ-
 que consedit. Tranquillitatis ita-
 que & commodi gratiâ, trigemi-
 næ illæ sorores, Pilentum R E I
 P R I V A T æ cui quadrigæ, P O-
 P V L A R I T A S, C O N F V S I O,
 T V R-

TURBÆ, CALAMITAS,
erant iunctæ, adduxerunt; & il-
lis expulsis, alios illi copulârunt,
videlicet PRINCIPATVM,
ORDINEM, TRANQVIL-
LITATEM & FELICITATEM. Currumque ipsum
triumphalibus coronis adornaue-
runt, & Rempublicam cum RE-
LIGIONE & IUSTITIA,
cum exsultantibus tripudijs in
curram impositam, circa omnia
aulæ ædificia vehendam, præcepe-
runt. RELIGIONI dantur
sex Victrices ancillæ, VOCATIO,
CERTITVDO, SANCTI-
MONIA, PIETAS, BENE-
DICENTIA & THEOSEBIA;
Iustitiæ verò quatuor, DISCI-
PLINA, MODESTIA, IV-
STA POSSESSIO & FRU-
GALITAS. Cæteræ verò com-
D 5 munes

munes vt essent, institutum est. Rempublicam igitur cum sororibus, lætissimo spectaculo ducere incipiunt. Anteibant Regem tres in auratis panoplijs Viri, quorum nomina S A P I E N S, I V S T V S, C L E M E N S. Senatū verò itidem tres F I D V S, C O N C O R S, & P R V D E N S. In profectiōe præter hominum præcedentium, & sequentium cateruas, animaduertens Respublica spectatum numerum adolescentum, tamen pallentem squalore cum inscriptione S T V D I O S I, De altera verò currus parte, viros plurimos & iuuenes bello idoneos cum inscriptione M I L I T E S. Horum primū S T V D I O S O S hac voce alloquitur. Quid vos tam laceros, pallentes, atque attenuatos aspicio honesti iuuenes. Non hæc

hæc facies, non ista conditio vos
decurit; assumite animos; venite
mea spes & vita, qui vt in toga
mihi vestram operam detis, tot
nunc studiorum causâ labores ex-
hauritis. Viuite, vestra sum, in
vestro sinu vbi maturueritis, læta
& libens quiescam. Deinde mi-
lites ad hunc modum compellat.
Quo autem vos charissimi nomi-
ne appellem? aut quibus vos be-
nificijs afficiam non inuenio: vos,
cùm sola essem, & ab omnibus
derelicta, soli mihi superfuistis,
qui pro me vestrum sanguinem
fundere non dubitastis, honestiùs
ducentes, in defensa vos oppetere,
quàm viuere domi desides, me re-
lieta hic. At ego vicissim, NON
IGNARA MALI, MISERIS
SVCEVRERE DISCO. Hoc
sermone absoluto, iubet largitè
in

in vtramque partem, aurum & argentum effundere, ita vt & illi, qui spem abijcere cæperant, currum alacres sequerentur. Proderant & ventrosi quidam viri **ABBATES**, in quorum foribus stabat inscriptio **FRUCTVS SINE LABORE**. Hos itaque Respublica petijt, ab Episcopis in disciplinam redigi, vt aut doctos piosuè (quibus illi carere videbantur) viros, in suis claustris haberent; aut scholas educandæ honestæ iuuentuti, & post Reipublicæ seruituræ, instituerent. Annuentibus Episcopis, vidit & quandam domum inscriptam **ACADEMIA**. In cuius foribus stabant multi spectatæ cuiusdam probitatis viri, cum inscriptione tali, **LABOR SINE FRUCTV**. Eos miserata, petit à Rege, vt pro
meri-

merito virtutum suarum liberali-
us prouiderentur, promittente
Rege, non irrita fore postulata.
Audiuit dein Respublica egeno-
rum hominum per plateas iacen-
tium clamores & eiulatus, quos
tanquam dehonestantes illum su-
um statum, in domum inscriptam,
P T O C H O L O G I A, omnes co-
gi, illosque victu necessario pro-
uidere mandauit. Qui verò ea
prouisione nollent esse contenti,
sed finitimis gentibus scandalo, &
nostris dedecori esse pergerent, vt
eos adigeret, eque Regno suo pel-
leret. Cum Rex facturum se (quæ
Respublica postulauit) recepisset.
Respublica ad domum CONSILII
ADVECTA, ab omnibus cum
summa deuotione Deo immortalis
gratiæ sunt actæ, demùm nomi-
ne Reipublicæ, Regi & Senatoribus
status

status vtriusque **C H A R I T A S** breuibus & elegantibus verbis gratias egit. Postea in domum propriam cum tripudio inuecta, aureo sedili, famulis sibi assistentibus confedit, **R E L I G I O N E** & **I V S T I T I A** (cum ancillis earum) sua sede collocatis. Quibus, peractis Rex & Senatores, ac vniuersi qui aderant Reipublicæ filij exhibito illi honore, in suas quique ædes abiuerunt. Quæ omnia vbi procurata sunt, ex tecti Reipublicæ altissima specula, femina quædam nomine **F A M A**, tubam inflauit, ita vt sonus, in remotas etiam orbis partes perueniret.

C A P V T XIX.

ECce autem diuertente cum Senatu ad domum Consilij
RE-

R E G E, à gentibus aliquot miſſi
Legati, qui de rebus in tam flo-
rentem ſtatum adductis, famam
acceperunt, quantoperè à finiti-
mis populis ſocietas eius Prouin-
ciæ (tam præclarè originalitèr pri-
mum inſtitutæ, deindè verò circa
reſtauratam R E L I G I O N E M
& I V S T I T I A M tam pulchrè
Sanatæ) expeſtatur, ordine quiſ-
que pro more ſuæ gentis, Regi
& Senatoribus exponunt; pul-
cherrimam ſe eam ſocietatem du-
cere, cum ea gente, vbi nihil
contra libertatem publicam ad-
mittatur, vbi nemini, præterquam
Legi, & eius cuſtodi Regi obtem-
peretur, vbi placida C H A R I T A S
omnium planè paternas volunta-
tes fecerit, vbi ſeditione & ambi-
tione vacent animi, nihil violen-
tèr, nihil crudelitèr, planèque cæ-
leſtis

lestis HIERARCHIÆ pulchrum ordinem referant, vt quemadmodum illam ob singularem ordinem, diuturnam esse videmus, ita & hic florens, felix, ac diuturnus rerum omnium status, permansurus esse videatur. Orabant itaque vt sub eum IUSTITIÆ FIDEIQVE cultum, & in eam societatem Legum & Libertatis (quæ omnes ferè orbis partes & dominia exsuperat) communionem, reciperentur. Cessurum id non suæ tantùm felicitati, quod in eam societatem gentis liberrimæ, & nulli vnquam subiectæ, cooptati forent, verùm etiam, decoro & securitati eorum quòd reciperent eas gentes quarum amicitia nemini vnquam esset pudori. Si enim virtus vnita fortior, seipsâ dispersâ, non dubium est, prospera com-

communicata illustriora fore, ad-
uersa verò leuiora. Nec vllum
fore tam potentem hostem, qui
Prouinciam tantâ disciplinâ do-
mesticâ instructam, tanta IUSTI-
TIA, CHARITATE, & CON-
CORDIÆ PRÆSIDIIS firma-
tam, tot sociorum fide & magni-
tudine vndique munitam, lacessere
audeat. Ac quemadmodum bo-
na, tum primum cum vnum esse
cæperint, optima fiunt, ita seor-
sim mala sunt, vnitatis sine vni-
onis adiectione bona esse non di-
cuntur. In hunc ferè modum Le-
gati, breuia sed vtilia verba fece-
runt, neque ea varia, irritauè Le-
gatio fuit, sed assensu omnium
approbata, & sine prorogatione
in diem sequentem, nè trahendo
res languesceret, datum responsum.
Nec tamen ea res caruit omni
pror-

prorsus tumultu, obnubilabat enim mentes omnium **R H E T O R I C A**, quàm ineptijs suis & longissimis dissertationibus negotium in dies plurimos, more suo trahere volentem, eadem illa quæ prius **Æ Q V I T A S** compressit, & è medio abegit. Atque mox ubi hæc abacta fuit, in medium ingressa Virgo excellenti & amabili vultu, producta à Charitate cum libro (vt utrasque illas gentes, ad conditiones perpetui fæderis proponendas admoneret) cum inscriptione **V N I O**. Propositæ igitur & acceptæ utrinque conditiones, placentes, firmæ, ratæ, perpetuæ, & inuiolabiles, & Libro **V N I O N I S** vtriusque partis manibus inscriptæ & obsignatæ, Libri inscriptio fuit **V O L E N T E M A M A R E , N O N O P V S E S T L I G A R E .**

Læti

Stanislai Orechouij. 91

Læti itaque Legati, amicitia & con-
uentione eius Prouinciæ, datis in
fœdera dextris, tandem ad suos
abierunt.

CAPVT XX.


NEc mora nostri fulgentibus
armis induti, factoque tym-
panorum, & bellicarum tu-
barum sonitu, ex porta agmine
effunduntur, & castra metati ita
se comparauerant, vt hostes qui
ad munimenta propiores accesserant,
retrocedere rursus inciperent.
Tria signa grandia nostri habebant.
Primum, Aquilam albam coronatam
cum inscriptione FELIX & LI-
BERVM REGNUM. Secundum,
aureum Phœnicem in flamma
cum inscriptione REX NON
MORITVRVS. Tertium, Cor-
nices


nices ab omni cæli parte in vnum conuolantes præseferebant, cum inscriptione **CONCORDIA & AMOR MUTVVS, FIRMIS-SIMVM MVNIMENTVM.** Qui sub eo vexillo erant, vna Matre editi videbantur, conspectu signi medij. Copiæ ab Occidentali mundi plaga instructæ, quas initio dixi, quasi irrita sua consilia sentientes, campo decesserunt, velut nunquam in eam stationem reuersuræ. Similitèr & illæ à Septentrione, viso eo signo, in quo erat amor mutuus (terribiles alioquin semper hostibus) abiectis animis & armis nec modicum ferentes impetum, fusæ fugatæ, ac intra fines suos redactæ sunt. Non secùs & alij reconditis armis & conuersis signis, properè ex insidijs cesserunt. Pacatis igitur eo modo rebus, do-
mum

num redeunt, lætum agmen du-
cente augustæ formæ Virgine, no-
mine VICTORIA à porta SE-
CVRITATEM delent, proque illa
VIGILANTIAM reponunt; &
munimentis pro necessitate præsi-
dio firmatis, passim festa & trium-
phos egerunt. Quorum ludis inter-
currit fœmina, rara & insigni ad-
modum forma, amiëtù splendido,
& colla coronis redimita virenti-
bus, præsentia suâ & gratulatione,
lata & prospera omnia iucundiora
effecit, nomine GLORIA PERENNIS.
Iamque ego ipse, voluptate Specta-
culorum fessus, plenus stupore, in-
sistens prioribus vestigijs ad naues
perueni, & eisdem nauibus cle-
menti aura in Patriam
appuli.









W 556

7522

